

2

DE
CHRISTI
CRUCIATIBVS ET MORTE
PIÆ NÆNIÆ,
SIVE
MEDITATIONES
FABII PAVLINI
AD CLEMENTEM OCTAVVM
Pontificem Optimum Maximum.



Apud Ioannem Baptistam Ciottum. Acad. Venerum. 1600.





CLEMENTI VIII

Pontif. Opt. Max.



SIT VERAM B. P. ad urbem ipse
accedere hoc tempore. Ieiunij, vt
animam Sacro sancto Iubilari (vt
vocat) abs te propositi piaculo
expiarem, sed cum temporu aspe-
ritates, & meæ valetudinis, qua pa-
rum firma vtor, ratio me deterrent, in hac opinio-
ne, & deliberatione versanti, nescio quis siue diui-
nus spiritus, qui vbi vult spirat, siue naturæ, & pij
Genij instinctus eam mihi mentem iniecit, vt ali-
quod saltem pietatis absens testimonium darem.
Redij igitur in gratiam (vt potui) cum Musis, quæ
mihi iratæ, quod eas iam pridem medicinæ causa
prope abiecerim, & earum vsum intermiserim, animo
erat valde ab alienato, atq; tres has de Cruciatibus,
& morte CHRISTI meditatiunculas olim exaratas rur-
sus sub incudem reuocaui, & (vt licuit per summas
occupationes cum publice prælegendi, tum facien-

di medicinam) emendaui, quas ad te summum il-
lius in terris Vicarium, maximumque Pontificem
nunc quasi animæ tributum Patrum antiquorum
exemplo mitto. & hac occasione meas ipsas Musas,
& plectrum. CHRISTO primum ipsi, TIBI de-
inde illius hic, vicesgerenti tanquam perfunctum iam
mortalibus officijs Sacro, atque dico in nullos am-
plius vsus præsertim præphanos adhibiturum me
professus. Tu Pater Beatissime, qui Sacrosancti nu-
minis aura in omnibus ducis, quam excitauit il-
la mentem, quamuis in homine humili, ne asper-
nere, & tuam mihi absens absenti impetire bene-
dictionem.

- Vale Venet. Idib! Martij. 1606.

Sanctitati tuæ

addictissimus, & obsecrantissimus.

Fabius Paulinus.

DE CHRISTI CRUCIATIBVS ET MORTE

MEDITATIO PRIMA.

De Iudæorum Crudelitate in CHRISTVM,
& illius in nos amore.



*V*AE fera te rabies in tantas impulit iras
IERUSALEM? una Deo quondam dilecta,
nefandi
Nunc sceleris, nunc facta sacri rea cri-
minis, heu que
Nam que te miseram lufit dementia? sanam
Quis furor eripuit tibi mentem? quis nouus error
Armata in furias succendit pectora? Regem,
Atque Deum malefana tuum non dedere letho
Tu verita, & sancto maculari sanguine, quem tu
Aeterna, ferique luens quoque morte Nepotes?
Proh scelus indignum (quid non mortalia cogis
Pectora liuor edax?) potuisti ingrata salutis
Humane auctorem hac suspendere in arbore, diris
Affectum opprobrijs, ignominiaque perenni?
Nullaque diuini tenuit reuerentia vultus
Non timor, aut pietas, crudelem flectere mentem
Con-

DE CHRISTI CRVC.

*Consilium aut seuum potuit? quid? ferrea duro
Pectore corda rigent? miseri non cernitis? ah non
Percipitis cæca merfi caligine mentis?*

*Hic DEVS est, hic factus homo DEVS, alma Tonanti
Hic soboles æquæua DEO, qui lapsus ab astris,
Ut veterum sordes, & prisca errata parentis
Deleat, ac iustam Genitoris leniat iram
Unus pro cunctis moriturus, ut ante tot annos
Venturum casto cecinerunt pectore vates,
Vates æthereæ contacti numinis aura.*

*Proh dolor, abiectum turpi hæret stipite corpus
Vera propago Dei, Deus ipse, ex lumine lumen
Aeterno genitum, qui nutu temperat orbem,
Astra supercilio qui torquet, quem vagus æther,
Quem tellus colit, atque anima, quem sufficit æquor,
Et super ætherei flammæ limina, cæli
Cælestes laudant cætus, semperque canentum
Dulcia commotum per temant gaudia pectus.*

*Quid? palmas ne Dei clauus crudelis adegit?
Sustinuit manuum palmas configere ferrum
Quæ ferrum genuere, domantemque aspera ferri
Vulcanum, cælo quæ axes struxere, sumique
Occano strauere salum, quarum labor omnis
Omnia sunt domum, quæ lustrat lumine Titan.
Certe ego crediderim ferrum abstinuisse, sed illa
Non manus abstinuit scelerata Satellitis ipso
Durius & ferro, rigidoque adamante, vel æve*

MEDITATIO PRIMA.

2

*Illane sueta Poli moderari dextera habenas ,
Et consueta graui moliri fulmina telo,
Fulmina non Rhodopen, non alta Ceraunia casu
Deicere, at solita hostiles confringere turmas,
Et quaterre insanas consulto turbine moles,
Ut moniti discant cælum non temnere reges;
Heret fixa cruci capitato per uia ferro?
Sanctæque casaries diademate solis, & astris
Cincta olim, quæ mota crebum tremefecit, & alto
Concussa tellure metu perterruit orbem,
Heu scelus, heu premitur spinis, nodantur acutos
In dumos fuso concreti sanguine crines?
Heu frons, heu uultus dilata nube serenus,
Sedes letitiæ, salutus sedare sonantes,
Aspectu tempestates, tumidasq; procellas,
Et nigra turbato diducere nubila celo:
Cur subito infando mutauit gaudia luctu
Turpatus tabo; lachrymisque cadentibus usque
Declinat, neque sacra tenes sua robora ceruix?
Ac uelut umbre madens cultco narcissus in horto
Pondere depressus, si uenti flamina lenta
Crebrescentis agant, nunc hac, nunc strêctitur illa
Parte grauis, sic parte nequit requiescere in uilla.
Heu quonam sanctæ cessit facundia lingua,
Tristis & extemplo compresso obmutuit ore?
Aruit Eloquij fons? infans copia fandi est?
Copia Nestorei cui cedat gloria mellis,*

Ce-

DE CHRISTI CRVC.

Cedat & ipse pater Linus, concedat & Orpheus,
 Et qui Thebanas cantando condidit arces,
 Parua loquor, cœli hunc, & sidera sæpe loquentem
 Obstupere, suum mira dulcedine captus
 Sol tenuit cursum, tenuerunt flamina venti,
 Nec vaga præcipites agitarunt flumina cursus.
 Sæpius immotis volucris super aere pennis
 Substitit, & sancto narrantis ab ore pependit,
 Ac quadrupes mirata Deum pia verba loquentem
 Immemor herbarum, atque arrectis auribus hausit.
 Quin summo cœli de vertice lapsa repente
 Agmina cælituum nimbis circumdata, turbis
 Nescia latanti dominum cinxere corona,
 Inde, ubi conticuit, succo sparsere salubris
 Ambrosiæ, lateque locus flagrauit odore,
 Atque epulas etiam venerata apponere Diuum,
 Fundereque assuerant cælesti in pocula nectar,
 Et nunc (heu facinus) proh gens crudelis; aceto
 Felleque mordaci rorantia pocula miscet?
 Hos calices sitienti porrigis improba? dulces
 Non Bacchi latices sitienti, aut ore falernum,
 Sed nostris animis sitienti in corde salutem?
 En pectus solitum diuinis fundere rores,
 Et manna cælesti, gregem quo pastor alebat;
 Proh dolor, immani patefactum cuspide ictu
 Torpet, & admixto lustrales sanguine lymphas
 Fundit humi, siuidoque madent noua gramina riuo:
Heu

MEDITATIO PRIMA.

3

*Heu sacri flammis radiantia lumina amoris,
 Astorum decus, & celsi duo sidera Olympi,
 E quibus accendit rutilus vaga lumina Phœbus,
 Cum primum equoreis consurgens aureus undis
 Diluit obtentum tenebris humentibus orbem,
 Lumina supplicibus toties largita salutem,
 Lumina, quæ solo aspectu potuere relicte
 Admonuisse via, errantemque reducere caulas
 Ad gregis obliti pecudem, atque inhibere rapinam,
 Qui lapsæ siccis instabat faucibus, Orci,
 In seua nunc morte natant, atque omnia circum.
 Plena vident telis, inimicis, cæde, malisque
 Obruta lætiferis clauduntur fusca tenebris?
 Ah ne etiam plantas clauo terebraſtis acuto
 Crudeles? nulla ut liceat cognoscere toto
 Corpore non vestrum iſtantiâ membra furorem?
 His predibus calcare poli vaga sidera, & orbes
 Assuetis, Stygium pressuris protinus anguem,
 Sæpe quibus substrata solum dedit Amphitrite,
 Dicere lingua horret, voxque hæret faucibus, heu nunc
 Confixis ferro ater liquitur undique riuis,
 Terramque, & dumos conspergit sanguis acutos?
 Impia gens reddis meritis hæc munera tantis?
 Hæc merces magnorum operum? hæc sunt præmia vite
 Seruatae toties? sic Regem in Sceptra reponis?
 O Amor, ò Pietas hominum miserata labores,
 O amor, humanaeque ardor diuine salutis,*

B Fer-

DE CHRISTI CRVC.

*Feruide, dulcis amor, nulli memorabilis, hunc Tu
Mortale hoc corpus, deducens ethere, vestis,
Inq; Crucem tollis Tu, Tu iacis in mala tanta
Præcipitem, infando cumulans tormenta dolore.*

N*am nisi sacra tua succensus pectora flamma
Ipse suum pater omnipotens caput obiectasset
Casibus his, durosq; adiisset sponte labores,
Castra nihil Iudæa tibi, nihil arma, cohorsq;
Infelix valuissent, non sit tartara, & orbis
Terrarum totus iunxissent agmina, non si
Terrigenum scelerosa manus rescindere quondam
Coniurata polum, cum montes montibus altis
Impositi summo tetigerunt vertice nubes.*

F I N I S.

DE CHRISTI⁴ CRUCIATIBVS.

A C M O R T E

MEDITATIO SECVNDA:

Inuitantur Christiani ad lachrymas, & Pœnitentiam occasione ieiunij, & Iubilæi.



A T vos, uos quibus ò melior sententia cordi est
CHRISTIADAE, nisi uestra nouum præ
cordia marmor

*Induit, & rigido stant vobis pectora ferro:
Si passus tantos pro vobis sponte labores,*

Si uestram proprio pensauit sanguine uitam:

*Absaltem lachrymas, saltem suspiria CHRISTO
Reddite, nec sicco recolat crudelia vultu*

Facta quis, ac plenis humectet lumina riuis,

Lamenta ingeminent, & planctus ad alta faceffat

Sidera, præsidium diro gens impia letho

Exinxit nostrum, columen, decus, incrementum.

Et pudeat ratione carentia, sensibus orba

Morte Dei commota magis superare dolendo.

En caput auratum picea ferrugine Titan

Obduxit, casu domini labefactus, & alias

Ingrato aeternum tenebras induceret Orbi,

Supremi nisi iussa vetent haud mollia Regis:

B 2 Teſta

DE CHRISTI CRVC.

*Tecta genas nigra siluit caligine Phæbe,
 Candidaq; atratis mutauit carbasa Velis,
 Scabra situ, præ se declarans funera vultu.
 Sidera stent, Elementa dolent, iam nubila & imbres
 In lachrymas abeunt, herbis sitientibus, almo
 Iam lachrymæ pro rore cadunt, rubigine cælum
 Inficitur, tanto rerum perterrita motu
 Astat in obtutu Natura immobilis vno,
 Et velut insano tumidum quem numine dæmon
 Attonuit, vel qui rerum secreta requirit
 Non prius abductis quæ nostri lumina circum
 Ingenij nubes caligant, inficius heret,
 Sic stupet, & causas rimatur mente latentes
 Illa videns cecidisse Patrem, dominumq; Deumq;
 Terra horrore nouo tremefacta ingentia sentit
 Corda metu hauriri, perfusaq; sanguine tantum
 Sustinuisse nefas, humerisq; subisse pudore
 Erubuit, gemituq; suum testata dolorem
 Indulget lachrymis, luctusque effundit amarus,
 Vnde nouo trepidi destillant margine riui,
 Flebileque emittunt per saxa sonantia murmur,
 Murmurat vnda, cauus reddit lachrymabile margo.
 Flumina, prob domini quantus dolor ingruit? aucta
 Intumescere nouo lachrymarum vortice, & altis
 Fluctibus obiectas stringunt stagnantia ripas,
 Sternuntur segetes, passimq; natantia plenis
 Culta ruunt agris, armenta q; rusticus alta*

Pro-

MEDITATIO SECVNDA. 5

*Prospiciens specula, stupefactus more Iuenci,
 Cum stabulis arrepta trahi miratur, & anni
 Spem luget grauidam mandasse rapacibus undis.
 Oceanus magnæ tumefactus fluctibus iræ,
 Et scelus indignans, summo bacchatur in æstu
 Impatiens, & nunc undis rorantia pulsat
 Sidera, nunc imo terras haurire barathro
 Cogitat, insano voluens cum murmure fluctus:
 Interdum scopulos prorumpit ad æthera, & ictu
 Verberat alterno liquefactis cautibus auras,
 Et Pontum cælo, terrisq; immiscet arenas.
 Robora quinetiam præruptis rupibus orta,
 Et Nemora ipsa suis senserunt funera Regis,
 Excutiant frondes, curuantq; cacumina, & ingens
 Pro luctu, & lachrymis fragor undique personat, alta
 Murmura crebrescunt, late pulsata resultant
 Antra fragore, cauis gemitum voluentia claustris.
 Marmora, & æra etiam (dictu mirabile) tangunt
 Funera, desudant lachrymis manantia, saxum
 Quodcunque aspicias, Nioben liquefcere credas.
 Flumina non libant, non tortas graminis herbas
 Adductis tondent per præta virentia malis
 Quadrupedes, errant immixte montibus altis.
 Non prædæ meminere Lupi, pecoriq; gementes
 Illæso agglomerant posita feritate Leones,
 Et late horrifonis loca vasta rugitibus implent:
 Tantis in effreno regnat quoque pectore luctus.*

Affli-

DE: CHRISTI CRVC.

*Afflictantur aues, auium concentus in agris
 Nullus, sed mæstis rumpunt vaga culta querelis,
 Nil nisi triste sonat, nil non lachrymabile, cunctæ
 Ploratus Philomela tuos didicere volucres
 Reddere; congestos oblita reuifere nidos
 Mater abest, dominoque negat se posse perempto
 Viuere, nec caros iam vult educere natos,
 Exciti clamore, & luctifonis lamentis,
 Qui tot iam placidum requierunt sæcula manes,
 Sanctorum manes olim, dum vita manebat,
 Corripiunt tumulis sese, noctemque profundam
 Ascensu superant, æternaque iura refigunt,
 Aerias iterum rediuiui in luminis auras.
 Et vos in lachrymas non ibitis ærea corda
 Christi adum? durabit adhuc in pectore saxum?
 Non alio mentes stolidi conuertite, sunt hæc,
 Hæc sunt apta Deo placando tempora, vestris
 Dum licet, ò miseri Diis furiale venenum
 Pectoribus, mentem mutati, auertite, vestra
 Ex animo nunc flete admissa, huc currite puro
 Abluti riuo lachrymarum, iterateque luctus,
 Atque preces duris variantes pectora palmis:
 Nunc exoratus veniam dabit, ecce lacertis
 Promittit passis amplexum, atque aduocat omnes,
 Illiusque gerens in terris Sceptra, vicesq;
 OCTAVVS CLEMENS nunc tanti nominis implens
 Vere mensuram, thesauros pandit olympi,
 Dona-*

MEDITATIO SECVNDA. 6

Dona que dispensat plena cœlestia dextra.
 Vita est nostra brevis, mors certa, atque una salutis
 Hæc via, post obitum concluditur illa, nec ultra
 Pœnituisse datum. quid statis inertia sœxa?
 Horrificam voluenda ferent cito (credite) lucem
 Tempora, terrifico qua totum perfonet orbem
 Concha sono, & tumultis sopitas excite vmbas,
 Corporeosque iterum nexus, exutaque membra
 Corripient omnes terra, erumpentque repente,
 Ceu cadit effusus imber cum plurimus undis,
 Et ferit immoto sublatos equore campos,
 Innumera vacuos guttæ conflantur in orbes,
 Huius & ante thronum sistuntur ludicis, actæ
 Debita pro meritis capturi præmia vite,
 Sorte tamen non quisque pari, aut discrimine paruo,
 Namque alios supero diuos signabit honore,
 Qui, domitis virijs, vestigia sancta securi,
 Institit ille quibus, terris impressa, professi
 Christum etiam factis fuerint, non nomine tantum
 Hos animo sanctos memorati sæpe labores;
 Aethereas hæc turba domos, sedesque beatos
 Candida victrici circumdata tempora palma
 Multa petet gaudens, felicemque aurea vitam
 Exiget æternum, nullis obnoxia damnis:
 Ast alijs tenebrosa ruent in tartara, & auras
 Iam iam exturbati linquent, nam sæna flagello
 Tisiphone vlticæ pendens in verbera cursu

Præ-

DE CHRISTI CRVC.

Præcipiti instabit trudens ad liuida Ditis
 Régna feri, subigat fontes ut pendere pœnas:
 Tunc vos proh quantus miseros circumdabit horror,
 Quam vos ingratae capient mala tædia mentis;
 Heu quantum sanctis non applicuisse pigebit
 Auerfas monitis aures, tunc ima dehiscat
 Ut penitus tellus, cupietis, & inde ruinam
 Montes mole trahant, vosque ab dant rupibus altis,
 CHRISTI ne vultum subeatis, at impia ferro
 Et vestra intendens luctantia colla catenis,
 Hæc trahet arreptos ad iudicis ora morantes
 Supplicium exposcens pro factis ipsa nefandis.
 Qui vobis animus, quæ tunc sententia? nullo
 Profuerit versare dolos, aut necere fraudes,
 Religio non ficta, fides simulata, negandi
 Non locus ullus erit, vitiorum pectore inusta
 Extabunt maculae, callumque obduxerit rufus,
 Non gemmae rediment, non auri pondera culpam,
 Nullius doctæ poterit sacundia linguae,
 Eloquentumve potens tutarier, afforet ipse
 Non si Cecropio qui fulminat ore, vel alter
 Gentis honos latia, Romanae Suada medullæ.
 Ille autem auertens subito pia lumina dicet.
 Ite sub æternas flammæ maledicta propago,
 Quæque meis numquam maduerunt lumina damnis,
 Tormentisque meis lachrymas, gemitumque negarunt
 Vrantur cæco sine fine dolentia in Orco.

F I N I S.

DE CHRISTI⁷ CRUCIATIBVS.

Et Morte

FABII PAVLINI.

MEDITATIO TERTIA.

De B. Mariæ Virginis ad Crucem Lamentatione, &
Angelica ad illam Consolatione.



*H*U quis, me miserum, procul hinc volu-
tus ad aures

*Fertur? ut ingeminant luctus, ferit athe-
ra plangor?*

*Quis fletus, quæve aduentat pia turba
dolentum*

*Suppliciter matrum? crinem ab radice soluta
Dilaniant, siccant largum spirantia fletum
Lumina, & ipsa fluunt iam lina madentia. Sed quæ
Quæ nam quæ princeps graditur mæstissima? ut altum
Corde premens gemitum transfixa doloribus ingens
Vulnus alit? viden' ut redeant suspiria ab imis
Eruta visceribus? quatiant ut pectora magni
Singultus? populetque internas cura medullas?
Ah dolor? alma Deum peperit quæ Virgo, Parentis
Nunc orba est miserum simulachrū? atq; omnib. ante*

C Felix

DE CHRISTI CRVC.

*Felix dicta, Parens miserabilis est modo? quis iam
 Quis teneat lachrymas, gradiens uestigia primum
 Ut posuit propiora Cruci, & languentia tollens
 Lumina pendentem prospexit in arbore natum;
 Vulneraque effuso vidit stillantia tabo,
 Vincta dolore, animum facto concussa nefando,
 Obtutu in medio obrigit; collapsaque flentum
 Concidit in gremio matrum, voci inde canorum
 Claudit iter, luctumque repente in pectore obortum
 Combibit ipse dolor. qualis cum rusticus audax
 Detrahit implumem, dum ludit in arbore, nidum,
 Ante oculos volucris Philomela, exterrita primum.
 Illa silet, gelidaque heret formidine lingua
 Faucibus, atque oculis crudelem immobilis haurit.
 Mox fœtus gemit amissos resoluta querelis
 Flebilibus, folijsque sedens conquestibus omnia
 Et nemora, & syluam, & late loca proxima complet:
 Sic veneranda parens aspectu obmutuit illo,
 Hæsit & in summo (mirum) vox missa palato,
 Atque horrore comas arrecta, simillima saxo
 Figit in opposita languentia lumina terra:
 Ter lachrymis conata graues astollere vultus,
 Ter cari spectans defecit vulnera Nati,
 Ter conata loqui, ter primo restitit ore,
 Et media inter verba sonus, nec perculit auras.
 Mox ubi consuetum sibi iam spirabile lumen
 Fecit iter, vocique simul patefactaque luctu*

Est

MEDITATIO TERZIA. 8

*Est via, proceram complexa patentibus vlnis
Mæsta crucem, largo perfundens flumine lignum,
Has tandem casto rupit de pectore voces.*

*Nate meum decus & columen, solatia solus,
Nate mea spes una, quiesque extrema senectæ
Hinc pendes? hic te aspicio? nate optime matrem
Siccine supremo lachrymantem deseris aeo?
Cui nam tanta tui libertas tradita? tantum
Cui de te licuit? factio scelerare nefando
Sustinuere manus? quæ nam fera adegit Erynnis
Hoc patrare scelus? potis his humana subesse
Pectora? committant homines tam immania? acerbi
Quod genus hoc lethi? quæ sunt tormenta? prophanum
Quis morem instituit? celsæ liuentia pendes
Membra cruci affixus, conscissus pectora ferro,
Sanguine, vulneribusque fluens, iam vulnera totus,
Non habet altera plaga locum, tibi terra negatur,
Et caput induta dumis cervice recumbit.*

*Quod caput humanum potuisset tot dare pœnas,
Suppliciumque haurire ingens? crudelius usquàm,
Aethereo lustras dum totas lumine terras
Vidisti genus ò Phœbe? aut maiora nefanda
Scuitia monumenta? Patrem, Regemque, Deumque
Omnia promeritum subigunt has pendere pœnas,
Infolito diri exemplo, & plusquam effera corda.
Tu vero agnus ouisque, Dei quasi victima, solus
Omnia sustentas; pateris nate omnia solus,*

C 2 Vi

DE CHRISTI CRVC.

*Vt pelagi rupes, quæ hyberniflatibus austru
Tunditur, assiduifque sonat pulsata procelis,
Stans immota tamen duplicatos sustinet ictus.*

*Hos ego non tantos sperabam mæsta dolores,
Quamuis religione Parens venerandus, & annis,
Multa horrenda canens monuisset: pectora ferrum
Hoc mea transfadigit? sunt hæc mea vulnera? Vates
Heu nimium mihi vere, nimis mihi vera locute,
Concepto maiora metu mea sunt mala; quæ nam
Heu quibus anteferam? aut unde exordiar? Urgent
Sitanta, ut nunquam valeam enumerare loquendo?
Non misera extremo natum data copia matri
Tempore complecti, atque nouissima verba referre,
Oscula non possum nisi duro figere ligno,
Nec datur effusum lino siccare cruorem,
Resperfosue artus lachrymis, vel vulnera lymphis
Abluere, aut animam extremo expirantis ab ore
Excipere, orbarum suprema leuamina matrum.
Omnia deficiunt demum solatia: non est
Cur cupiam amisso vitam producere nato,
Funeribus mi nate tuis orbata supersim?
Non potis hoc, non tale meo votum excidat ore:
Non potis extincto vitali lumine corpus
Viuerè, tu mea vita, anima pars maxima nostræ,
Quodque mei superest lachrymarum vi intus oborta
Scintillas animi restingui sentio iam iam.*

Tu pater omnipotens, mihi tu, cui summa potestas

Est

Est rerum, castum retinens sirite pudorem
 Et genitrix & Virgo sui, siue coniuge coniux:
 Si mea promeruit mens quicquam dedisa sacris
 Usque tuis, semperque tibi obsequiosa voluntas,
 Da pater auxilium, atque erumnis eripe fessam,
 Hanc unam extremo veniam mihi tempore, & unum
 Hoc precor officium pietatis, tu mihi tantum hoc
 Exequere, afflictis tibi mos succurrere fixum
 Si sedet hoc animo, si hic menti terminus heret,
 Ut veterum sordes, effuso sanguine, Natus
 Abluat, obstructi referet qui limina cæli,
 Si tibi pro cunctis unum caput obiectare
 Supplicijs, pænisque iuuat, me nexibus huius
 Corporis exoluas, nato comiti ire per umbras
 Elysias, veteres mihi sis spectare parentes,
 Et natum sancta spoliantem Tartara preda;
 Dixerat. Exanimem rursus, exceperunt sorores
 Collapsam gremio, & dictis solantur amicis;
 Illa simul nato cupiens abrumpere lucem,
 Usque patri aeterno supplex languentia pandis
 Brachia, suspiciens Cælum, precibusque fatigat:
 Protinus ecce Puer celsso de vertice olympi
 Aliger aspicitur liquidum per inane volare,
 Præcipiti sulcat qui cæli cærulea penna,
 Non secus ac nubes, Boreæ quam flamina pellant,
 Cernentumque oculos matrum stupor urget, & ista
 Prostratos nonitate animos pavor occupat, alta

Hic

DE CHRISTI CRUCE.

*Hic montis tetigit cum prima cacumina plantis;
 Remigio alarum posito, Zephyrisque remotis,
 Reginam concussam animo, natiq; gementem
 Funera submisso iam populi pronus adorans:
 Porrecta largam donabat fronte salutem;
 Spinosas mox deinde parans traducere curas,
 Aeternales fudit de pectore voces.*

*Exue Dia metum; longas iam pone querelas,
 Desine iam luctus, veniamque hanc misce precari
 Cælestum regem; votisque urgere, sed ista
 Accipe, quæ celeres summus mandata per auras
 Ferre Pater iussit tristis solatia casus;
 Tertia lux natum victorem, tertia sistet
 Lux reducem, incolumemque tibi, vane scire in auras
 Nec dubites, nota quæ refert voce Minister;
 Tantum mortalis sensu pars vulnera, at expers
 Intactum, atque immune manet, nulli superabile, cælo
 Quod traxit, subeunda hominum certamina, nulli
 Ante datur, quam bella gerat, victoria Regi,
 At velut, affixus qua pendet in arbore, Palma,
 Quo magis deprimatur congesto pondere, nixu
 Se maiori attollit, & astra cacumine pulsât,
 Sic æterna sacer renouabit secula Phoenix
 Victor ouans, faboles tuas, & bique aurora nitentem
 Tupe crinem extulerit, primoque oriente recedant
 Astra fugata polo, stolijs Acherontis onustum
 Excipies natum, rutilis fulgore Quadrigis*

In-